

2002-12-13
kioskoa

Iban Arregi

Euren armada goraipatzen

«Espainiako Armadak abordatu zuen ontziari, zeinak misilak zera-matzen, Yemenera segitzen utzi diote Ameriketako Estatu Batuek», zioen atzo **Gara** egunkariak *Mundua* sailean. Azken batean, zera: ustez «terrorismoaren» kontra Espainiako Armadak egin zuen operazio «aparta» ez dela hainbestearinokoa izan, hanka-sartze bat dirudiela, Perexilen osteko handiena agian. Baina egunkari espainiazaleak harro, hala ere, «euren armadarekin». Militar usaina gustuko dute, nabarmena da. Honela zioen atzo **Abc**-k bere editorialetako batean: «Abordatzea profesionaltasun guztiarekin egin zen. (...) Armadak bere egitekoa bete zuen. (...) Ezin zaio ezer leporatu [Espainiako Armadari], estatubatuarrek emandako informazioak justifikatu egiten zuelako abordatzea...». Egunkari horrek infografia handiekin azaldu zuen operazioa, eta **La Razón** egunkariak ere antzera egin zuen. **El Diario Vasco**-k ere ederki azaldu zuen *Socotora operazioa*, infografia eta argazki askorekin, «lehorreratze ezin hobea» izan omen zelako, eta **El Correo**-k azaleko argazki nagusia eskaini zion. Gustura, baita **Diario de Navarra** egunkari-koak ere. Kontua da, gainera, Espainiako Armadaren operazioa egin duen ontziak *Navarra* izena duela, eta izen hori ondo nabarmendu zuela egunkari nafarrak. «Intervención de la fragata Navarra en Yemen», zioen egunkari horrek infografiaren gaineko tituluari. Gutxiago ezin izan, eta infografia eta argazki galantak zekarzkie *Diario de Navarra*-k ere, besteen moduan. Espainiako Armadak zer egin zain-zain egoten direla egunkari horiek denak dirudi, hura nolabait justifikatzeko, euren armada ahalik eta gehien goraipatzeko.

Egunkaria 3.732. zenbakia

Ohorezko Lehendakaria: Martin Ugalde

Administratzaile Kontseiluko Lehendakaria: Joan Mari Torrealdai

Kontseilari Ordezkarria: Iñaki Uribe

Zuzendaria: Martxelo Otamendi

Gerentea: Mikel Sorozabal

Publizitatea: Igor Sota

Egoitza Nagusia: Martin Ugalde Kultur Parkea 20140 Andoain Tel.: 943300222
Erredakzio faxa: 943300255-943590354 Publizitateko faxa: 943300707

Webgunea: www.egunkaria.com

Posta elektronikoa: egunkaria@egunkaria.com

Publizitatea: publi@egunkaria.com

Batzorde Parekidea: 72664 E. Lege Gordailua. SS 800/90 ISSN 1134-640X
OJDK IKUSKATURIKO HEDAPENA

ORDEZKARITZAK ■ **Araba:** San Antonio, 20-1 ezker. 01005 Gasteiz
Tel.: 945233872 Faxa: 945233873 Publizitatea: Tel.: 945131965

Nafarroa: Iratxeko Monastegia, 45-13. esk. (Irrintzi dorrea) 31011 Iruñea
Tel.: 948178078-79 Faxa: 948178077 Tel.: Publizitatea: 948176686

Bizkaia: Egia Jenerala, 3-behea. 48010 Bilbo Tel.: 944104046 Faxa: 944103715
Tel.: Publizitate Orokorra: 944701199-80 Publizitate Lokala: 944701114

Lapurdia, Nafarroa Beherea, Zuberoa: Pelletier 35,
64100 Baiona Tel.: 559593575 Faxa: 559257511

martintxo



hizpideak

Lagunaren aurkako kereila

Batasunak iragarri zuen atzo Jesus Laguna Nafarroako Hezkuntza eta Kultura kontseilariaren aurka kereila aztertzen ari dela, euskara sustatzeko komunikabideetan diru laguntzen afera dela eta. Lagunak informazioa ukatu zion talde parlamentarioari, «barne ikerketa» egiten ari zen aitzakiaz, baina dokumentazioa, ordurako, epaitegian zegoen. Deialdia martxan jarri zenetik etengabekoak izan dira irregulartasunak. Pegenauteren sinadurak ere faltsutu direla iragarri zuen atzo bertan taldeko abokatuak. Baina zuzendari nagusiaren jarrera izan da, hasieratik, bere menpekoengan uztea ardura, eta, horregatik, garrantzitsua da prozedurak aurrera jarraitzea.



Batasuneko hainbat ordezkari kontzentrazioa egin zuten atzo Iruñeko Auzitegiaren aurrean.

Erreferenduma Txetxenian

Errusiako presidente Vladimir Putinek Txetxeniarentzako konstituzio bat bozkatzeko asmoa agertu du. Bozketa hori datorren urteko martxoan egin nahi du Kremlinek. Errusiako lehen ministrorde ohi Boris Nemtsovek zalantzaz jarri du galdeketa objektibotasuna. Izan ere, kritikoek adierazi dute erreferendumerako deia «Txetxeniako gerra ezkutatzeko maniobra» dela, Moskurekiko leialak diren agintariei zilegitasuna emateko saiakera. Gatazka egun dagoen egoerari erreparatuta, erreferenduma ezer onik ekarriko ez duela adierazi dio Anatol Lieven Nazioarteko Bakerako Carnegie Fundazioko kideak EGUNKARIARI. «Txetxeniaren autonomia onartuko lukete lehen epe batean, geroago independentziaren alde egiteko aukerarekin», esan du.

Arcelor Nafarroako bi lantegi saltzekotan dela salatu dute

Lesakako lan batzordeko kideek Arcelor Zalain eta Berriobetiko lantegiak saltzeko asmoa duela salatu zuten atzo. Mugimendu arraroak sumatu dituzte azkenaldian, beste altzairu enpresa batzuk azken asteetan bi lantegiok bisitatu dituztelako. Arcelor sortu zenean, Aceraliak Euskal Herriko lantegirik ez zela salduko ziurtatu zuen. Sindikatuek orain zuzendaritzaren «sator jokoa» salatu dute. Duela urte batzuk Aceraliak kaleratutako 400 langileak gogoan, eta Baztan Bidasoan sor dezakeen gainbehera-gatik, Nafarroako Gobernuari esku hartzeko eskatu diote.

Jose Angel Iribar, Euskadiko selekziozko hautatzailea, Laurentzi Gana aldamenean duela.



Gabonetako oparia edo urteroko inozentekeria?

Futbol selekzioak hamargarren urtez erreskadan jokatu du Gabonetan lagunarteko partida, aurtan Mazedoniaren aurka. Kirol festa eta aldarrikapena uztartzeko aukera proposa izan da urte guzti horietan, eta aurtan ere hala izango da ziurrenik. Baina beste urrats batzuk egiteko ordua iritsi da, bestela, Gabonetako oparia urteroko inozentekeria bihurtzeko bidean baita. Gizartearen gehiengo zabalak selekzio propio eta ofizialak nahi ditu, eta erakundeek ezin diote bizkarra eman, gizartearen borondatea betetzen saiatzeko baitaude. Badakigu nazioarteko kirol erakundeek dutela azken hitza, baina gaur egun egiten dena baino askoz gehiago egin daiteke.